



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 69. Verii in Societate gradus.

---

[urn:nbn:de:hbz:466:1-66615](https://nbn-resolving.org/urn:nbn:de:hbz:466:1-66615)

Sæcul. XVI tem præcepit, ne ulla domus pro re-  
A.C. 1542. ligiofæ familiæ sustentatione jus ad quic-  
 quam vel communiter vel privatim pos-  
 fidendum acquirere possit, sed Religiosi  
 solo earum rerum, quæ ipsis ex charita-  
 te donantur, usu contenti vivant, Col-  
 legiis tamen redditus ad studiorum neces-  
 sitates applicandos permisit, prohibuit-  
 que, ne in iisdem Collegiis stabiles pro  
 Missis proventus, aut beneficia curata,  
 vel quæcunque alia acceptent munia,  
 quæ eos a suis studiis avocare possent.  
 Insuper interdixit omnem pecunias, vel  
 quodcunque aliud pro Missis, Confessio-  
 nibus & sermonibus percipiendi liberta-  
 tem, nec etiam quicquam accipi con-  
 cessit pro Sacramentorum administratio-  
 ne, visitatione infirmorum, vel pro ju-  
 ventutis instructione, aut alio quovis  
 officio, quod ex Instituti præscripto So-  
 cii exercere tenentur.

## §. LXIX.

*Varii in Societate gradus.*

*Bonhours*  
*l. 6. p. 342.*

In iisdem Constitutionibus Præpositus  
 Generalis jure perpetuo munus suum  
 tenere, Romæque sedem figere jubetur,  
 atque illi quatuor Generales adjungun-  
 tur Assistentes ex natione Italica, Gal-  
 lica, Hispanica & Germanica selecti;  
 hi tamen nullatenus *decisivo*, sed mere  
*consultatorio* gaudent suffragio. Præ-  
 terea

terea præcepit Ignatius, ut ejus Societas tres diversos status seu gradus inter suos subditos teneat, quorum primi Professi, alii *Coadjutores formati*, ac denique tertii præter Novitios vocantur Scholares approbati. Porro duplex datur Professorum genus, quorum aliqui quatuor vota, alii non nisi tria vota nuncupant, nec minus duas Coadjutorum species instituit Ignatius; vocantur enim alii spirituales, alii temporales. Insuper injunxit, ut Professorum vota sint solemnia, Coadjutorum vero publica quidem, sed simplicia, atque isti eadem sua vota præsentibus duntaxat domesticis, nulloque adstante, qui ad ea recipienda a Generali deputatus esset, nuncupent: ex adverso autem Professorum & Coadjutorum formalium vota vel in ipsius Generalis, vel in alterius ab eo deputati manibus emittant. Profellis vero ordinariis S. Ignatius præscripsit, ut Castitatem, Paupertatem & Obedientiam solemniter sponcione profiterentur, hæcque vota servare promitterent, ac vi obedientiæ ita promissæ speciali cura iis invigilare tenerentur, quæ ad juventutem literis imbuendam attinent, illi vero, qui quatuor votorum professi nuncupantur, speciali obedientiæ voto summo Pontifici spondere jubebantur, quod ad omnes infidelium

at-

Sæcul. XVI.  
 A.C. 1542.

Sæcul. XVI. atque idololatrarum regiones ad quas  
A.C. 1542. cunque demum pro annuntiando Christi  
 Evangelio mitterentur, ire velint.

## §. LXX.

*Scholares in Societate approbati.*

**I**nsuper S. Ignatii Constitutiones de alio  
 adhuc gradu eorum, qui Scholares  
 approbati vocantur, mentionem faciunt.  
 Hoc nomine appellantur illi, qui adhuc studiis vacantes ad professionem accedunt, quibus Societas sese non nisi adjectis quibusdam conditionibus obstringit, quamvis ipsi sine ulla exceptione sese Societati devoveant, promittentes, quod in ea vivere, nec non in integra trium votorum fide mori velint. Præterea iidem speciali voto sese obstringunt, quod illum gradum seu statum acceptaturi sint, ad quemcunque eos admittere progressu temporis eorum Superioribus bene visum fuerit. Nihilominus Societati relicta est potestas, vi cuius iustis ex causis illis votorum obligationem relaxare, eosque dimittere valet. Ceterum ubique locorum, excepto Franciæ Regno, suorum bonorum dominium ac proprietatem conservant, quamvis absque suorum Superiorum consensu nec illis frui, nec de iis disporre possint.

## §. LXXI.